



14. juni 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaatit imaattut matumuuna saqqummiuppakka.

Naalakkersuisunut apeqqutit:

- 1) Illoqarfiit sorliit aalajangersimasumik nakorsa qarfiunngillat?
 - a) Taakkunani aalajangersimasumik nakorsa qalernissaq anguniarlugu suliniutit suuppat sumullu killippat?
 - b) Aalajangersimasumik nakorsassaaleqinermut aporfiit peqqutillu suuneruppat?

- 2) Illoqarfinni aalajangersimasumik nakorsa qarfiunngitsuni utaqqiisaasumik ataavartumillu nakorsa qartitsisarnerit Naalakkersuisuniit qulakkeerniarneqarpa?
 - a) Taamaattoqanngippat sooq?
 - b) Utaqqiisaasumik nakorsa qartitsisinnaaneq ajornarsimappat iliuusissanik periusissanik peqarpa suuppallu?

- 3) Illoqarfiit tamarmik aalajangersimasumik imaluunniit utaqqiisaasumik nakorsa qartinneqarnissaat Naalakkersuisuniit pilersaarutaallunilu anguniagaava?

(Inatsisartunut ilaasortaq Anders Olsen, Siumut)

Tungavilersuut:

Ilisimaqqissaarpara nunarput tamaat eqqarsaatigalugu peqqinnissaqarfipput annertuumik unaminartorsiortoq, ilaatigut sinerissami aalajangersimasunik nakorsa qarniarneq eqqarsaatigalugu. Pissutsit iliuuseqarfigineqarnissaat pinngitsoorsinnaanngilaq, Naalakkersuisullu suliassaq taanna naammassiniartariaqaraat isumaqarpunga.

Ilaatigut siorna tusagassiuutitigut nalunaaruteqarninni Nanortalimmi peqqinnissaqarfimmi pissutsit atuuttut ilungersunaralugit Naalakkersuisut tungaanniit iliuuseqartoqarnissaannik oqariartuuteqarpunga, innuttaasut toqqissisimanatik oqariartuuteqartarnerat aamma eqqarsaatigalugu.

Apeqqutigineqartut ullut suliffiusut qulit iluanni akineqarnissaat kissaatigaara.